


B. N. C.
FIRENZE
1057
9





XXXII
CARI

1711



CONCLUSIONES
THEOLOGICÆ

AD MENTEM

DIVI THOMÆ AQUINATIS
DOCTORIS ANGELICI

QUAS

REV. ADM. PATRI NOSTRO OBSERVANDISS.

P. FR. VENANTIO
A SS. TRINITATE

CARMEL. DISCALC. PROVINCIÆ ETRURIÆ

VISITATORI GENERALI

VIGILANTISSIMO

in perpetui argumentum obsequij

COLLEG. EXCALC. FLOR.

D. O. C.



FLORENTIÆ MDCCXL

Apud Petrum Matini Archiepisc. Typogr. Super. petm.

CONSTITUTION OF THE UNITED STATES

ARTICLE I

SECTION 1

ALL LEGISLATIVE POWERS SHALL BE

VESTED IN A CONGRESS, WHICH SHALL

CONSIST OF A SENATE AND HOUSE OF

REPRESENTATIVES.

SECTION 2

THE HOUSE OF REPRESENTATIVES SHALL

BE COMPOSED OF MEMBERS ELECTED

BY THE PEOPLE OF THE SEVERAL

STATES.

SECTION 3

ARTICLE II

SECTION 1

THE PRESIDENT AND VICE PRESIDENT

SHALL BE ELECTED BY THE PEOPLE

FOR A TERM OF FOUR YEARS.

ARTICLE III



REVERENDE
ADM. P. N. OBSERV.

Luriès exhibiti in devotionis argumentum cultus, umbræ proprietates ostentant: Sæpè meriti magnitudinem non attingunt honores, sæpè æquant, sæpiùs excedunt. Utique nostra Theorematum spicilegia Tibi dicata oblitescerent, si Tu illa, PRÆSTANTISSIME PRÆSUL, ad Iustitiæ Tribunal appellares; Vix etenim minimum Tui Meriti vestigium ipsis exprimere conceditur. Tantum illis inest mendicitatis, quantum excellit Tuæ Dignitatis magnitudo. Ne ergo profi-
lire

4
lire pertimescant , alas addidit amor : Fucatas
Thesium obscuritates Tuis annuas irradiare ful-
goribus , quibus toties Romanam Provinciam ,
publicis in Literatorum Centurijs , & supremo
illius moderamine illustrasti. Non Te Iudicem,
sed Patrem constituunt , ut inoffenso pede per
oppugnantium dumeta percurrant . Ad sui Pro-
dromum , & Coripheum confugiunt , ut sicut
Cæsaris Cerva protegantur . Subvenit nobis Phe-
bum non dedignari profundissima vallium ima
irradiare , illiusque loca , & si despicatissima re-
perçu Illustrare . Scias non omnibus datum
esse fodinis aureo partu insigniri , nec in univer-
sum conchilia gignere margaritas . Supplet mu-
neris paucitati animi magnitudo . Divites multa
in gazophilacium iactantes , inops Vidua Salva-
toris indicio duobus excessit minutis , nostrarum
sic Thesium ipse ne inopiam , sed voluntatem
respicias . Fruitur Mare inopi fluminum obse-
quio , eaque in sinum benigniter admittit quan-
tumvis tenui aquarum tributo illius imperium
recognoscant ; Nos quoque sic admitti exora-
mus . Te nostra advocant Theoremata , ut sicuti
Mosaicus Serpens incantantium colubres sorbe-
bat , gordios adversantium nodos dissolvas , at-
que consumas , ut Thomisticae Veritatis funda-
menta Tuo Patrocinio firmentur .

CON-



CONCLUSIONES THEOLOGICÆ.



THEOLOGIA, OBJECTVM, NECESSITAS.



Theologia audito nomine, sermo de Deo, rebusque Divinis menti tuæ suboriatur, quo Fides saluberrima in nobis gignitur, nutritur, defenditur, & roboratur. S. Aug. l. 4. de Trin. Hinc ejus obiectum si de extensivo loquamur illud est, quod mediâtè cadit sub revelatione Divina; si verò de formali sit sermo, Deus solus sub ratione Deitatis per revelationem cognoscibilis; Hæreticus ergo veram Theologiam nullatenus habet, qui vel unico discredens articulo fidem totam amittit.

2. Sileant Atheistæ: datur Deus, infinitus, simplicissimus, nullumque potentialitatis, aut compositionis admittens vestigium: perfectissimus ita, ut omnes claudat in se perfectiones, aliquas tamen formaliter, aliquas eminenter tantummodò. Ubique est non per essentiam suam quasi per rationem formalem, sed per operationem virtualiter tantummodò transeuntem. Ad essentiam ipsius attributa sequuntur, nulla alia ratione ab eadem discreta nisi virtuali distinctione, quaecumque alia rejecta.

3. Quamquam singulos homines Theologos esse non sit necessarium, aliquos tamen extare necesse est, qui fidei veritates alios edoceant, errores impugnent, credendi impedimenta removeant, ac denique

nique fidem adversus Novatores, morumque corruptores illibatam conferrent: Necessaria igitur Theologia est non singulis quidem hominibus, sed toti Ecclesie Dei. Habitus illa est naturalis, licentiam inspiciamus, quosvis alios ejusdem ordinis certitudine, ac dignitate præcellens.

VISIO, ET SCIENTIA DEI.

4. **R**Ex seculorum immortalis, & invisibilis per naturam, visibilis fit per gratiam: scilicet *Nos postquam filij erimus resurrectionis, tunc nosse Deum facie ad faciem dignabimur*: Bas. in 1^a Paral. 33. quod tamen corporis ex parte est in carnis oculos etiam glorificatos cadere nequit; solo ergo intellectu visio hæc peragatur, ad quam vel si ad omnipotentiam appelles frustra speciem aut impressam, aut expressam requires, quoniam omnino impossibilem reputamus.

5. *In lumine tuo videbimus lumen*: Adeo scilicet necessarium est, ut ejus vices supplere, aut sine illo videri nequeat essentia Divina; illo vero confortatus, ac potius factus intellectus creatus non per speculum in enigmate, sed facie ad faciem Essentiam, Attributa, Personasque Divinas ita intuitivè rimatur, ut alius alio perfectius pro meritorum tantum diversitate cognoscat, ea tamen conditione, ut neque sine Personis essentia, neque una sine alijs Personis videri possit.

6. Scit omnia Deus summè sapiens, summè intellectivus, & hoc quia summè immaterialis, actus purissimus, cujus essentiam in actu ponimus intelligere, ut sit ipse sui essentia, ac primordiale obiectum. Omnia ergo scit Deus, vel possibilia, & hæc per simplicem intelligentiam, vel in aliqua differentia temporis existentia, & hæc per scientiam visionis, ad hanc tamen necesse est, ut præterita, præsentia, futura, physicè realiterque cõexistant æternitati.

7. Est ergo in Deo agnoscenda præscientia cujus profectò tantos testes habet (Tertul. 2. contr. Marc. c. 5.) *quantos Prophetas fecit*: Verum in quo medio omnia præsciat exquiris? *Nos ista quæ fecisti videmus quia sunt, Tu autem quia vides ea sunt*: D. Aug. 13. Conf. c. 38. Non ergo quia sunt ideo novit, sed quia novit ea sunt, non in supercomprehensione aut veritate abiectione, sed scit Deus nostras voluntates videndo suam voluntatem; D. Th. 1. contr. Gent. c. 68. hinc reprobam habes scientiam quam mediam appellant.

VOLUNTAS DEI, PRÆDESTINATIO ET REPROBATIO.

8. **F**iat voluntas tua, si quidem tantæ activitatis est, ut circa nullum volubile potuerit manere suspensa; tantæ actualitatis, ut absque distinctione, vel virtuali, suus sibi metipsum, sit actus: Ejus formale obiectum, motivum vel terminativum hoc sit sola Divina bonitas est, quam necessariò amat, contingenter verò creatam, nullo modo possibilem. Ut natura non distinguitur à se ipsa ut libera nec virtualiter, attingit & materiale peccati, materialiter tamen conceptum.

9. *Omnes sorte vocati sumus, prædestinati secundum propositum ejus, qui operatur omnia secundum consilium voluntatis sue* (ad Eph. i.) Neque enim nos ipsum elegimus, sed ipse elegit nos ante mundi constitutionem ut essemus sancti, (ibidem). Quæ adeoque ad sanctitatem, & ad gloriam electio, non ex prævisis meritis, sed omninò gratuita dicenda est. Prædestinatio actus est intellectus, imperium scilicet, connotans Divinæ voluntatis decretum: sunt ejus effectus prædestinatio sua tantia, glorificatio, iustificatio, vocationesque interruptæ, &c.

10. Deus, qui justus est, non potest quemquam sine demeritis damnare, potuit tamen reprobatione negativa excludere homines à Regno celesti, ut beneficio præcisè indebito; quotquot igitur sunt tali reprobatione exclusi, nullam suæ reprobationis in se ipsis causam requirant, secus autem qui ad pœnam in tenebras eiciuntur. Reprobationis effectus sunt peccatorum permissiones, finalis impœnitentia, denegatio gloriæ, ac denique omnia quæcumque dona collata reprobis.

SS. TRINITATIS MYSTERIUM.

11. **F**ides Catholica hæc est, ut unum Deum in Trinitate, & Trinitatem in unitate veneremur, neque confundentes Personas, ut Sebellius, neque substantiam separantes, ut Arius. Una ergo atque indivisa existente natura, *numerabilis facta est Santissima Trinitas tribus personalibus subsistentiis*; nempe Pater est, qui generat, Filius, qui gignitur, & Spiritus Sanctus qui ab utroque procedit, ut distinctiones sint in Personis, unitas in natura, quæ non est generans, neque genita, neque procedens.

12. Ex hac Fidei confessione duplicem ad intra processionem cognoscere necesse est, quarum una per intellectum, per voluntatem altera: illam generationem esse, hanc minimè fides docet; cujus discriminis ratio, quia Filius vi processionis in similitudinem naturæ procedat, quod Spiritui Sancto negamus. Dux igitur Processiones, tres verò Personæ, ac quatuor sunt relationes: harum tres ab invicem realem distinctionem important, spiratio autem activa à Paternitate, & filiatione non sic, nulla tamen perfectionem relativam importat.

13. In principio erat verbum, secunda scilicet Trinitatis Persona, quæ ex cognitione omnium, quæ sunt in Deo necessariò, imò & creaturarum possibilitium procedens, Verbi nomine propriè designatur, nec minùs filii, ac imaginis titulo nuncupatur, qui termini ipsi soli sunt proprii, quippe relativè dicitur Filius, relativè Verbum, ac imago, idemque omninò conceptus est ratio Verbi, ac Filij. Consubstantialis cum Patre est, ut Nicæna Synodus adversus Arrianos Fidei Symbolo inferuit,

14. Cum venerit Paraclytus, quem mittam vobis à Patre, quæ utique tertia Trinitatis Persona est, ac propriè dicitur Spiritus, Donum, & Amor; cujus processio unicuique habens principium, duas tamen Personas exposulat necessariò, tantaque processionis ejus à filio necessitas est ut si ab illo non procederet, nec etiam distingueretur realiter. Ejus processio generatio non est, Deus tamen est, ut contra Macedonium Fides docet Catholica, ac Synodus Generalis secunda, contra eosdem Hæreticos congregata.

A N G E L I .

15. **D**Eus simul ab initio utramque de nihilo condidit creaturam, spirituales, & corporeas, Angelicam videlicet, & mundanam (cap. firmiter) spirituales sunt ergo Angeli cujuscunque expertes materiæ, vel si illam spirituales effingas, ac ita numero immultiplicabiles; ut impossibile sit duos esse ejusdem speciei. Equivocè in loco ponitur, sed ratio formalis non ejus substantia, verum potentia operativa cum exercitio, à quo ubicatio ipsa distincta non est, potest de extremo ad extremum sine medio transire.

16. Ut se ipsum cognoscat propria ei deservit ut impressa species essentia, quilibet autem quamquam inferior perfectè superiorem comprehendit, at quo superior est Angelus; eo universaliore habet inditas spe-

9

species. Deus omnium corda novit, Angelus autem, quæ ad ordinem universi spectant cognoscens, cum ad cordis secreta venimus prorsus in obscuro laborat nisi ad eum ordinentur: Sic de futuris contingentibus, ac gratiæ mysteriis dempta revelatione sustinemus.

17. Intellectualem creaturam in omni ordine indefectibilem absolute impossibilem reputamus; possibilis tamen, ac de facto impeccabilis Angelus est circa finem naturalem directè, eius autem deformitas nec in primo instanti, nec connaturaliter, nisi a peccato superbiz initium sumere potuit, quod nec error præcessit, aut potuit præcedere. Quid autem peccati ejus fuerit obiectum inquiris? Non omnimoda cum Deo æqualitas, sed beatitudo naturalis sine subiectione ad supernaturalem concupita.

FINIS. BEATITUDO. VOLUNTARIUM.

18. **G**audet media intrinseca bonitate, sola tamen bonitas finis formaliter voluntatem specificat, illorum verò electionem; omnes ergo, & solas actiones humanas esse propter finem ultimum necesse est, adeoque Bruta non agunt propter finem formaliter. Finis ultimus peccantis mortaliter est bonum commutabile, sub ratione boni proprii ipsius, in quo quærit quæ sua sunt. D. Aug. 14. Civ. c. ult. *amore sui usque ad contemptum Dei*. Finis autem ultimus iusti quamvis peccantis venialiter est Deus affectus habitualiter.

19. Formalis beatitudo possessio Dei est, cujus essentia si metaphysicè consideretur, in sola Dei unius, & trini clara visione consistit; nempe *visio est tota mercos*: atque adeo felix est visio, ut omnem tollat miseriam, beatosque ab intrinseco impeccabiles reddat. Ex tali Beatorum visione deinde assignandæ veniunt, tum animæ, tum corporis dotes nempe pro illa Visio; comprehensio, & Fruitio, pro corpore verò Subtilitas, Impassibilitas, Agilitas, & Claritas.

20. Voluntarium dicitur, quod est ab intrinseco cum cognitione; aliud perfectum, aliud imperfectum, perfectum verò, vel liberum, vel necessarium est, male proinde confunditur voluntarium cum libero, ac proinde falsæ propositiones, *Sola violentia repugnat libertati: & quod voluntariè fit, &c.* Duplex libertas est specificationis una, contradictionis altera: ad primam requiritur, ut voluntas possit hoc, vel illud eligere, hoc acceptare, illud respuere: ad secundam, ut possit hoc facere vel non facere, agere, vel non agere.

21. Viatoris voluntas à nullo creato obiecto quoad exercitium necessitari potest, ac per consequens, nec violentiam pati in elicientia suorum actuum, nec Deus violentum simpliciter causare potest in creatura. Ut sit voluntaria omisio actum requirit, qui omittendi sit causa, vel occasio, imò & debitum non omittendi si tamen omisio sit non positio actus, insuper, ut effectus ex omissione secutus imputetur, debet omittens aliquammodo advertere, nihil enim volitum, quin præcognitum.

MORALITAS. PECCATVM.

22. **M**oralitas essentialiter consistit in relatione transcendentali ad obiectum, ut subditum regulis morum, à quo actus moralitas specificatur, quapropter essentialis ab obiecto desumitur à circumstantiis accidentalis, utraque tum, ab actu, tum à libertate distinguitur. Eundem actum ex diversis principiis, bonum, & malum esse repugnat; actus autem ex obiecto malus nunquam potest à malitia excusari, quamquam bona intentione fiat: Unde falsa est illa quodque: *licitum est absolute desiderare*, &c. 14. Inn. XI. & 15, consimilis aliaque per multæ: actus in individuo indifferens repugnat per se.

23. Peccatum commissionis in positivo consistit, sicut & potentia peccandi, omne autem peccatum legi Dei contrariatur, ac in voluntate principaliter, ac intrinsecè residet, quod & suo modo appetitui sensitivo, non tamen aut sensibus, aut membris externis concedimus: ut autem mortale sit plena ex parte intellectus requiritur advertentia, plenusque, ex parte voluntatis consensus; si vero autem omisio sit, vel commissio, dummodo ex eodem motivo procedant, moraliter ad eandem pertinent speciem peccati.

24. Dividitur Peccatum in Personale, & Originale; hoc contrahunt quotquot per seminalem propagationem ex Adam descendunt (excipe Beatissimam Virginem) atque in sola carentia Originalis iustitiæ consistit connotando tamen peccatum Adæ in Divina abominatione irretactatum persistens, estque primo in specie superbæ, omnibusque per se, ac intrinsecè voluntarium, non quidem per modum exercitii formalis, at verò terminativè per modum effectus ex ordine ad voluntatem Adami, ut præcontinentem voluntatem ahorum.

25. Ad peccatum reatus pœnæ consequitur, infinitæ quidem ex iustitia quoad durationem, non tamen quoad intensiorem, vel sit pœna damni,

11
damni, vel sensus; Pueri vero qui sine Baptismo decedunt, non sensus
pœna puniuntur, sed damni. Differt mortale à veniali, quod primum
sit contra legem simpliciter, secus autem secundum; Pervenienti verò
ad usum rationis, sub mortali tenetur se in Deum convertere amore
efficaci, atque ideo nullo pacto coniungi potest cum solo Originali
Veniale.

DIVINA GRATIA.

26. **P**rimus homo conditus est cum perfecta agendorum cogni-
tione, & virium inferiorum subiectione, Gratia Sanctifi-
cante, Fide, Spe, & Charitate decoratus, unde ex amore iustitiæ
sufficientem habebat potestatem actu datam ad implendum quod-
cumque præceptum in particulari, tam naturale, quàm superna-
turale: *tales enim habebat vires ejus voluntas, ut perseverare, vel non
perseverare in ejus relinqueretur arbitrio, & staret per liberum arbitrium,*
D. Aug. de Con. & gr. cap. 12., at verò, quia causa secunda erat
moveri debuit concursu prædeterminante.

27. Quinque sunt status naturæ, nimirum puræ integræ Originalis,
iustitiæ, lapsæ, & reparatæ: in omnibus indiget gratia ad cognoscen-
das omnes veritates collectivè sumptas, non tamen divisivè. In na-
tura autem lapsa constitutus homo potest aliquod opus moraliter
bonum efficere sine gratia, non igitur omnium infidelium opera pec-
cata sunt nec tamen potest sine gratia, naturam sanante, Deum super
omnia diligere, gravesque vincere tentationes.

28. Sine gratia nullus cognoscere potest mysteria fidei, nec ad eam se
proprius disponere viribus, adeoque facienti eisdem tantum, quod in
se est, aut se non impediendi non confert Deus infallibiliter gratiam.
Agnoscamus gratiam sufficientem, agnoscamus efficacem, primam
quæ ad orandum sicut oportet sufficiat, efficax tamen non sit, secun-
dam qua *Deus facit ut faciamus, prebendo vires efficacissimas voluntati.*
D. Aug. de gr. & lib. arb. cap. 16., est ergo efficax ab intrinseco.

29. Gratia habitualis, qualitas est supernaturalis, naturæque Divi-
næ formalis participatio, hominem Deo gratum ex sua natura consti-
tuens, adeoque impossibilis cum peccato; ab illa, virtutes omnes,
& ipsæmet Fides, ac Spes dummodo eidem comproducantur, physice,
realiterque dimanant, ut rigorosæ proprietates eiusdem: Perfe-
ctior simpliciter est quacumque forma substantiali, & Beatitudine
ipsa, non tamen unione Hypostatica, unde impossibilis est alia gratia
in specie perfectior.

30. N.

30. *Nihil mihi confensum, sed non in hoc iustificatus sum*, nullus etenim scire potest, an odio dignus sit, vel amore, absque revelatione speciali. Nulla creatura potest gratiam producere principaliter, quæ tamen educitur, non creatur: Denique si quis dixerit in quolibet bono opere iustum saltem venialiter peccare eidem anathema dicit Sacra Trid. Syn. sess. 6. can. 25., actus autem qui disponunt ad gratiam ab eadem gratia habituali eliciuntur:

31. *Fides est* (ad Hæb. 10.) *Sperandarum substantia rerum argumentum non apparentium*, Donum Dei, virtus infusa theologica: hinc reprobata habes Pelagianorum hæresim propriis eam viribus committentium, ac Semipelagianorum necessitatem gratiæ ad Fidei initium negantium; de quibus Arausic. 2. Can. 5. 6. 7. 8. Fidei ratio formalis sub qua est prima veritas in dicendo connotans primam veritatem in cognoscendo; ratio autem formalis, quæ, est prima veritas in essendo.

32. *Postules in fide nihil basitans*, lac. 1. nulla etenim hesitandi ratio cum Dei revelantis autoritate nitatur, primæ scilicet veritatis, quæ, nec fallere potest, nec falli, postulat ergo in assentiendo firmitatem, quæ omnem, vel levissimam suspensionem excludat: Hinc igitur nobis excludenda venit ea propositio *assensus Fidei supernaturalis stat cum notitia solum probabili*, &c. (Inn. XI. 21. inter 65. Non est ergo fides opinio, nec æstimatio, ut voluit Abailardus) sed certitudo firmiter Scientia, Sapientia, Intellectu.

33. *Impossibile est Deum mentiri* (ad Hæb. 10.) hinc manifesta est Præscillianitarum blasphemia, Deum Authorem mendacii facientium; tanta igitur est infallibilitas fidei, ut ei, nec per se, nec per accidens possit subesse falsum. Regula fidei nostræ Ecclesiæ est à Spiritu Sancto directæ, *Evangelio non crederem*, inquit Aug. contra ep. fund. c. 5. *nisi me Ecclesiæ Catholica morveret autoritas*: Poterit tamen, cui aliquid immediate revelatum est, ut Prophetæ, Angeli, Apostoli, illud fide Divina tenere, quamvis non propositum ab Ecclesiâ.

34. *Quisquis adhuc prodigia, ut credat inquirat, magnum est ipse prodigium*. (S. Aug. de Civit. 22. 8.) evidenter enim credibilia sunt nostræ fidei mysteria; Duplex autem est credibilitas speculativa una; qua cognoscimus digna fide Divina esse mysteria ut credantur, practica altera, qua iudicamus hic, & nunc esse credenda; hæc supernaturalis est, potest illa non esse, Concilia legitime congregata, Pontifex ex cathedra loquens non possunt errare in materia fidei, ac morum.

35. Hec propositio Clemens XI. est legitimus Petri successor immediate de fide est, non tamen de fide est illam propositionem esse de fide, quamvis contrarium aliqua censura sit dignum. Concedimus Peccatoribus fidem, neque enim per quodlibet peccatum mortale amittitur, Trident. sess. 6. c. 15. non tamen aut Hæreticis, aut damnatis, neque etiam Beatis, adhuc autem & qui scientiam habent, fidem habere de eodem dicimus implicare. Hæc tandem necessarium est ad salutem, remuneratorem explicitè credere Incarnationis, ac Trinitatis misterium; reiicienda itaque venit 22. prop. inter 65. *non nisi fides unius Dei, &c.*

SPES. AMOR. TIMOR.

36. **S**pes Virtus est Theologica à Fide, & Charitate distincta Deum attingit ejus innitens auxilio ad consequendam salutem, seu vitam æternam: Habet igitur pro obiecto Deum, Beatitudinem obiectivam, quamquis sperat, pro ratione verò formali sub qua auxilium Divinum, ex quo sperat. De illa speciale præceptum est, quapropter falsa est ea prop. *Homo nullo unquam vitæ suæ &c.* 1. Alex. 7. non tamen obligaret in casu, quod alicui facta fuisset relevatio suæ damnationis.

37. *Spes sine amore esse non potest*, S. Aug. Ench. ad Laur. ca. 8 Amor autem quidam perfectus est, quidam verò imperfectus, primus est amicitie, concupiscentie secundus. Insuper, & concupiscentia, aut calta est, aut servilis, inordinata prima non est, & sic diligere bonum est, secus esset, *si diligeret Deum propter Deum habendum, & hoc sit finis, in quo quiescimus, nam sic diligere malum est.* D. Th. op. 61. c. 3. Finis ergo proximus cujus gratia caltæ concupiscentie Divina bonitas est.

38. Sicut Spes, ita & Timor ab Amore profluit, proinde mala sunt illa si malus amor, bona si bonus, D. Aug. 14. de Civ. c. 7. quandoque homo propter mala à Deo recedit, & timor mundanus est, quandoque ad Deum accedit, & tunc vel timore pœnæ, & servilis, vel culpæ, & filialis, vel utriusque, & initialis est. Bonus itaque, & utilis est filialis, initialis, atque servilis, secundum substantiam spectatus, non ergo peccatum est, aut peccatores facit peiores timor gehennæ, per quam *ad misericordiam Dei de peccatis condolendo confugimus.* Tri. sess. 6. can. 8.

C H A R I T A S.

39. **C**haritas virtutum omnium Regina forma est diffusa in cordibus nostris per Spiritum Sanctum, ab eo distincta, veraque inter Deum, hominemque amicitia. Cum Beguardis errat, & Beguinis, qui ad talem existimant perfectionem posse pertingere, ut ultra nequeat augeri. Hoc maximum mandatum est diliges Dominum Deum tuum ex toto corde tuo; tenetur itaque homo sub mortali vi hujus præcepti in principio, aliquoties in decursu, & in fine suæ vitæ moralis actum dilectionis Dei super omnia elicere.

40. *Qui dicit se nosse Deum, & mandata ejus non custodit, mendax est, p. Jo. 2.*, si quis enim diligit in sermone meum servabit, errat itaque Quietistarum secta docens mandatorum Dei curam habendam non esse ei, qui ad vitam pervenit unitivam, probatio si quidem dilectionis, operis est exhibitio: actus Charitatis non immediate à Spiritu Sancto, vel ab aliquo auxilio actuali, sed essentialiter procedere petit à gratia sanctificante tanquam à radicali principio.

I N C A R N A T I O N I S M Y S T E R I U M.

41. **V**erbum caro factum est: possibilis subinde, imò de facto est Incarnatio, quamquam ne fines præscribamus Omnipotentis Divinæ non absolutè necessaria, quæ poterat solo imperio sue voluntatis humanum genus à dominatu Diaboli erueri (S. Leo de pall. 14.) necessaria tamen simpliciter ad condignam, ac ex toto rigore justitiæ pro peccatis humani generis satisfactionem, qualem imò, & superabundantem Christus Dominus Æterno Patri pro nobis exhibere dignatus est:

42. Causa Christo Domino veniendi eam dicimus, ut consummetur prævaricatio, & finem accipiat peccatum, ac deleatur iniquitas (Daniel. 9.) vel cum Augustino loquamur. *Si homo non periisset filius hominis non venisset* (Serm. 8. de verb. Ap.) tolle igitur Adæ peccatum, & incarnatio ex vi præsentis decreti non erit: An autem saltem in carne impassibili non stante eodem peccato Christus venturus esset, cum justa revelata loquendum sit, negandum omninò nobis est.

43. Non semetipsum Christus glorificavit, ut Pontifex fieret, sed im prævis meritis propriis prædestinatus est ad filiationem Dei naturalem nec Patribus antiquis gratiam, nec Beatæ Virgini Maternitatem in genere causæ efficientis promeruit. Potuit, & quaecumque naturam com-

completam substantialem assumere ad subsistendum, non verò suppositum; hinc habes nec materiam, formam, vel accidens posse ad subsistentiam assumi, benè quidem ad existentiam, quam unicam eamque divinam in Christo Domino sustinemus.

44. Quod verbum corpus assumpsit verum fuit, & reale, non phantasticum, ut non dubitarunt asserere Saturninus, Marcion, & Cerdo: Non cœleste, ut Valentinus volebat; non æternum, ut docuit Apollinaris: sed terrenum, ac temporale: non anima destitutum, cujus loco verbum ipsum fuisset, ut primò somniarunt Apollinaristę, sed rationali, nostręque simili anima actuatum, non tamen, aut fomitem peccati, aut peccandi potentiam assumpsit Sanctitas, ac puritas infinita.

45. Contra Monothelitarum errorem catholicè asserimus creatam cognitionem in Christo cum Divina inconfusam, ac triplicie ejusdem Animam decoratam scientia cognoscimus, Beata scilicet, infusa, acquisita: habes jam quid contra eosdem hæreticos de voluntate sentiamus. Vidimus eum plenum gratiæ, & veritatis, plenitudine tamen finita si de creata loquamur: Fuit hæc ipsi necessaria ad merendum, illaque connotando gratiam unionis caput Ecclesię constitutus est, quem tamen invenit filium Dei naturalem adoptivum non fecit.

F I N I S.



Disputabuntur publicè in Eccl. S. Pauli
Carmel. Discalc. Florentiæ
Anno. Mense Die Hora

99507



